



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. VII. Quid quoad leges Ecclesiasticas possint prælati Episcopis
superiores, sed inferiores Papâ?

[urn:nbn:de:hbz:466:1-73031](#)

videtur dubium, cādem autoritate posse derogari; cū Successor cādem potestate polletat, quā Antecessor; nec ab hoc in posteris transmitti potuerit diminuta, vel limitata. Unde, si constet de tali Pontificis intentione, obesse non possunt ejus dispositiones ea, quæ illi in Conciliaribus constitutionibus contrariantur. Nec à communī regula (quod constitutio derogans dispositioni Conciliari, debeat habere expressam ejus mentionem, juxta dicta) spectata ratione adesse videtur causa sufficiens excipendi Tridentinum, propterea, quod habeat clausulam: *salvā semper Pontificis auctoritate*. Nam hæc clausula naturā inest omnibus decretis Conciliaribus; cū totum eorum jus pendeat ab auctoritate summi Pontificis; ergo, si propterea decreta Tridentini non requirunt specialem, & specificam mentionem derogatoriam, nec eam ex eadem ratione exigent decreta reliquorum. Totum igitur reduci debet ad consuetudinem, si talis sit, quā inductum est, quod in alijs, non in isto id requiratur. Illi enim, si legitima sit (nisi aliud exprimat) in dispositionibus suis conformare se censendus est Pontifex.

Q. VII.

*Quid quoad leges Ecclesiasticas possint
prælati Episcopis superiores, sed
inferiores Papā?*

525. **C**ommunis doctrina est, Archiepiscopos & Metropolitanos, Exarchos, & Patriarchas, pro sua diœcesi, cujus sunt immediati pastores, idem posse, quod in sua potest Episcopus. Nam relatè ad illam habent se solum ut Episcopus. Cæterum in Provincia Patriarchali, vel Diœcesi ratione sua dignitatis nihil possunt, nisi quod ipsis, vel jure speciali, vel consuetudine, vel privilegio conceditur; possunt quidem convocare Synodos, illis præesse, causas Episcoporum judicare, & alia ejusmodi; & sunt immediati superiores Episcoporum in ipsis, sed nihil possunt in Diœcesibus sibi subditorum Episcoporum, quorum omnium ratio universalissima est, quia omnes istæ dignitates, Metropolitica, Exarchatus, Patriarchatus, ratione quarū præminent Episcopis; sunt duntaxat ex jure Ecclesiastico; nihil igitur ipsis aliud tri-

buunt istæ dignitates, quād quod illis iure speciali concedit Ecclesia.

Hoc ipsum declaravit Ecclesia. Nam 526. Nicolaus I. sic scribit Rhudolpho Bituricensi Archiepiscopo, ut refertur c. *conquestus*. 9. q. 3. conquestus est Apostolatui nostro frater Sigedodus Archiepiscopus Narbonensis, quod Clericos suos, eo in invito, ad judicium tuum venite compellas, & de rebus ad Ecclesiam pertinentibus, eo inconsulto, quasi jure Patriarchatus tui, disponas, cūm hoc nec antiquitas (cui Patres sanxerunt reverentiam) habeat, & auctoritas sacrorum canonum penitus interdicat: nisi forte pro causis, quæ apud se terminare non possunt, ad te quasi ad Patriarcham suum provocaverint; vel, si Episcopus suus deceperit, res Ecclesie suæ judicio tuo dispensare voluerint; *Primates enim, vel Patriarchas nihil privilegij habere præ ceteris Episcopis, nisi quantum sacri canones concedunt, & prisca consuetudo illis antiquitus contulit, definitus*: ita ut secundum Nicænas regulas sua privilegia serventur Ecclesiis, præterquam si Apostolica Sedes aliquam Ecclesiam, vel ipsius Rectorem speciali privilegio decreverit honorare.

Not. autem, quod Metropolitanus nec 527. in Concilio provinciali possit constitutiones facere absque consilio, & voluntate Suffraganeorum; cit. c. *Nullus*, 9. q. 3. & c. *Episcopi*, de temporibus ordinacionum; ita Fagnanus in c. *Antigonus*, de pactis, n. 6. Illo autem, & Episcopis provincialibus discordanibus, aequaliter esse Superiorem; nam & illi habent votum decisivum, & sunt coniudices; ita ille loc. cit. n. 61. ex c. 1. dist. 65. De reliquo; etiam ante insceptum pallium potest Archiepiscopus exercere, quæ sunt jurisdictionis tantum; teste Fagnano in c. *quanto, de consuetudine*, n. 37. ex c. *quod sicut*, Q. *Super eo*, de electione; consequenter etiam condere leges, juxta dicta.

Quoad Cardinales not. illos dignitate, 528. & officio, non autem ordine, majores Episcopos esse; Fagnanus in c. *Requisivit, de ordin. ab Episcopo* n. 65. & 67. qui inc. *Ex parte, de Capell. Monach.* n. 12. docet; quod Cœtus Cardinalium dispensare non possit contra constitutiones editas à Papa in Concilio generali; nec immuta-

re jus Papæ , ut habet in c. licet de vitanda , n. 33. de Electione ; & ratio est ex n. 503. & seqq. quibus positis dicendum Cardinales , etiam non Episcopos , in suis titulis habere jurisdictionem quasi Episcopalem , c. his , quæ , de majorit. & obed. & c. querelam , de Elect : excipit tamen facultates , quæ à Concilio Tridentino Episcopis tribuuntur ratione dignitatis Episcop. ord. sess. 24. c. 6. ut notat Fagnanus , c. Ne pro dilatione , de penit. & remiss. n. 42. Hinc pro subditis sui tituli , & Ecclesiastarum illi subjectarum , sicut Episcopi , condere possunt leges Canonicas ; Pirthing , de constitut. n. 4. eorumque jurisdictione in suis titulis , Apostolicâ sede vacante non extinguitur. Fagnanus c. Cum olim , de majorit. & obed. n. 68. Nam jurisdictione ordinaria per obitum Papæ non expirat , ut dicitur c. 2. de offic. Legati , n. 6. illorum autē jurisdictione in suis titulis est ordinaria.

¶29. De reliquo Conventus , seu Congregatio Cardinalium , nullam habet potestatem condendi leges Ecclesiasticas , excedentes suum territorium , etiam Sede Apostolicâ vacante. Nam tunc ea solum possunt , quæ pro electione Summi Pontificis , Ecclesiæ defensione , & periculorum occurrentium necessitate videntur expedire , c. Ubi periculum , de elect. in 6. unde in alio se negotio cautum est intromittere ; secus factis omnino irritis , ac inanibus ; Clement. Ne Romani , de Elect. Illis autem sufficienter cautum erit impositione præceptorum ; non legum : nam hæ appellant statutum stabile ; ita Suarez l. 4. hic , c. 6. n. 5. Bonac. D. 1. q. 1. p. 3. n. 29.

¶30. Dices. 1. Senatus Romanus habuit potestatem condendi leges ex dict. sed Collegeum Cardinalium assimilatur Senatu Romanu; c. Constantinus , 2. dist. 96. ergo. Resp. similitudinem concedi quoad dignitatem ; & honorem ; non jurisdictionem. Hanc enim à Constantino , utpote Laico , accipere non potuerunt ; cum sit potestas spiritualis : à Summo Pontifice illis data nullo jure probatur ; ergo. Quid vero possint in interpretatione legum , & sacrorum canonum ? quam vim habeant eorundem declarationes ? dicemus infra.

¶31. Dices. 2. Congregatio Cardinalium habet potestatem creandi supremum Legislatorem Ecclesiasticum , nempe Summum

Pontificem : ergo etiā condendi leges Ecclesiasticas. Sed illatio nulla est. 1. alias etiam sacerdos simplex deberet posse condere leges Ecclesiasticas ; cūm possit manus , nempe consecrare Corpus , & Sanguinem Christi. Deinde Cardinales non dant Pontifici potestatem condendi leges ; sed tantum designant personam per electionem , quā tanquam conditione positā , ex potestate Christi Petro , ac ejus successoribus data potestas gubernandi totam Ecclesiastim divinō in eum jure derivatur.

Circa Legatos Pontificios dicendum , 532. eos posse condere leges , & statuta , etiam perpetua , pro provincia sibi commissa , seu sua legationis. constat ex c. fin. de offic. Legati. ibi : nemini dubium esse volumus , quin Legatorum Sedi Apostolicae statuta edita in provincia sibi commissa , durent tanquam perpetua , licet eandem postmodum sint egressi ; ex quo patet , ea durare etiam legatione finitam , & post eorum à provincia discessum. Not. autem jurisdictionem delegati à Legato , finiri legatione finitam , si res , ad quam delegatus est , sit integra ; non autem , si ante finem legationis præcessit citatio ; patet ex altero tex- tu c. fin. ibi : Secus autem , si causas duxerint aliquibus delegandas ; cūm jurisdictione illorum expireret , si ante illorum discessum horum citatio non præcessit.

Ex quo colliges. 1. citationem partis sufficere , ut res definita esse integra , ut constat ex cit. c. fin. & notat in idem Barbos. n. 4. Colliges. 2. jurisdictionem Legati expirare cum egressu ejus è provincia , non reversuri ; vel cūm revocatur à Pontifice , arg. L. 3. ff. de Officio Prædis. Item , cūm dubium casum retulit ad Pontificem ; tunc enim quoad eum casum expirat jurisdictione Legati , c. licet , de offic. Legati. Colliges 3. Legatum Apostolicum non posse condere statuta contra jus canonicum , c. quod super , de major. & obed. (nam inferior non tollit legem Superioris , arg. c. Inferior , dist. 21.) bene tamen præter jus canonicum , quæ ad mores reformatos spectant ; cum sit ordinarius Judget in provincia , ut habetur c. 2. de majorit. & obed. in 6. juncta Gloss. V. plantent. Ad ea tamen , quæ præjudicia sunt alijs , requiritur consensus eorum , quorum interest ; ita Layman c. fin. de offic. Legati , n. 6.